


Ko nga uri a Tomika, nana nei te waiata nei i tito, koia enei:—



I.

Takoto mai ra i te anuanu, i te mataotao!
 'A tuhi to toto, ka rapa i te rangi,
 He uira, he kanapu, te tohu o te ariki.
 Ra pea koe kei mua te waitapu,⁴
 Kei te toka tu ki waho,
 Te kawa i Aitu, te kawa i a Maru,
 I to atua ra.
 Na koutou ra kei whakahi ki te uru, ki
 Nga iwi nunui, kia peratia Hauraki⁵
 Me Ihumotomotokia,⁶ me Maikukutea,⁷
 Na te ngaru i ta ki te one pae ai.
 Na tona rite he hinganga ika kei te akau,
 He paenga⁸ whakairo ki roto o Kaiweka;⁹
 I a te nui 'Ati-Ue,¹⁰
 I a Te Aramoana,¹¹ nana i ue mai,
 I maunu atu ai Te Puhi-o-Te-Arawa¹²
 I nga tapiri o Rehua,¹³ na i.

II.

Haere ra, e Pa ma, i runga i nga tohu¹⁴
 Tupu tawa a o koutou koroua,¹⁵
 Au te poporo¹⁶ i runga i a Hongi,¹⁷
 E haere wairua ana mai, e.
 I aua i a ra, kia eke i o kahu¹⁸ motea i.

HE WHAKAMARAMA:

¹Tiaki Tomika, ²Mokonuiarangi, ³ Te Kuru-o-te-marama.—Kua whakamaramatia enei i runga nei.

⁴Te waitapu.—Ko te waitapu a nga tohunga kimi, titiro i te mate, mehemea i mate tarawhare.

⁵Hauraki.—Ko Hauraki te hoa haere mai o Nga-Puhi. Ko Tauranga tetahi: ko Ngati-Pukenga te hapu o reira, nana i tohutohu te huarahi, i toia mai ai nga waka o Hongi.

⁶Ihumotomotokia.—Ko te pakanga a Ngatoroirangi raua ko tona taokete, ko Manaia i Hawaiki mo te kanga a Manaia ki a Ngatoro, i mate ai te Tini-o-Manahua.